

REGULAMENTO MUNICIPAL DE
VENDA AMBULANTE

B U E U

A N U N C I O

O Pleno da Corporación en sesión de data 04.05.05 adoptou acordo de aprobación definitiva da Ordenanza Municipal de Venda Ambulante, o que se fai público en cumprimento do disposto no art. 70.2 da Lei 7/1985, do 2 de abril, Reguladora das Bases do Réxime Local.

REGULAMENTO MUNICIPAL DE VENDA AMBULANTE DO CONCELLO DE BUEU

EXPOSICIÓN DE MOTIVOS

Na actualidade a actividade comercial configúrase como un sector dos de maior importancia na vida municipal, existindo diversas modalidades especiais dentro da mesma, entre as que se atopa a venda ambulante, actividade que pola súa importancia reclama unha normativa municipal na que se establezan as peculiaridades do seu desenvolvemento no Concello de Bueu.

Así por medio desta Ordenanza instruméntase a intervención municipal na vida económica e social, por canto non debemos olvidar a dobre función da mesma, por unha banda, regular o exercicio dunha actividade comercial de carácter económico e por outra, a protección dos consumidores e usuarios, en desenvolvemento non só da normativa tanto estatal como autonómica, senón tamén da norma suprema que eleva a principio rector da política social e económica a protección dos consumidores e usuarios.

Como xa se indicou a regulación deste sector ven a completar o traballo xa iniciado especialmente pola Comunidade Autónoma, coa creación dun Rexistro de Comerciantes Ambulantes, requisito imprescindible para o exercicio da actividade, e que supón un achegamento das obrigas, non só de dereitos, dos vendedores ambulantes cos vendedores sedentarios integrados en estruturas comerciais, pretendendo coa mesma unha mellora na control e vixilancia que redundará, sin dúbida, en toda a poboación.

A presente Ordenanza dictáse en virtude das facultades concedidas polos artigos 25.2.h e 84.1 da Lei 7/1985, reguladora das Bases de Réxime Local, artigo 27 da Lei 10/1988, de 20 de xullo, de Ordenación do Comercio Interior de Galicia, artigos 1 e 5 do Regulamento de Servicios das Corporacións Locais, e o artigo 13 e seguintes do Decreto 194/2001, de 26 de xullo, de Ordenación da Venda Ambulante.

**CAPÍTULO I.
DISPOSICIÓNS XERAIS**

Artigo 1. Obxecto e ámbito

Esta Ordenanza ten por obxecto regular, con carácter xeral, a venda ambulante, calquera que sexa a súa modalidade, según o artigo 2 do D/194-2001 do 26 de xullo.

Artigo 2. Marco normativo

A venda ambulante rexeráse, ademais do disposto pola presente ordenanza, polo establecido no Decreto da Consellería de Industria e Comercio 194/2001, de 26 de xullo, de Ordenación da Venda Ambulante, na Lei 10/1988, de 20 de xullo, de Ordenación do Comercio Interior de Galicia, RD 1010/1985, polo que se aproba o Regulamento de venda ambulante polo que se regula o exercicio de determinadas modalidades de venda fora de establecemento comercial permanente e polas normas sectoriais reguladoras da venda e comercialización de cada produto concreto, en especial os regulamentos técnicos sanitarios aplicables á produción e comercialización de cada produto.

Artigo 3. Competencia

Corresponde ó Concello de Bueu, dentro do seu término municipal, sen perxucio das competencias doutras administracións, a ordenación, execución, inspección e control das medidas necesarias para un desenvolvemento satisfactorio da venda ambulante e outros acontecementos extraordinarios, nos que se desenvolvan actividades de venda ambulante, do cumprimento dos requisitos para a obtención das licencias e de facer cumprir a presente ordenanza.

**CAPÍTULO II.
DA VENDA AMBULANTE EN XERAL**

Artigo 4. Concepto de venda ambulante

Considérase venda ambulante a realizada polos comerciantes fóra dun establecemento comercial permanente, de forma habitual, ocasional ou periódica, fora de establecemento comercial e na vía pública ou solares, ou en espazos libre, en postos ou instalacións desmontables ou en vehículos.

Artigo 5. Modalidades de venda ambulante

1. A Venda ambulante só poderá realizarse baixo as seguintes modalidades:

- a) Venda ambulante en mercados periódicos: son aqueles situados en poboacións, en espazos determinados e cunha periodicidade habitual establecida.
- b) Venda ambulante en enclaves illados da vía pública, en postos de carácter ocasional autorizados unicamente durante a tempada propia do produto comercializado.
- c) Venda ambulante en mercados ocasionais: son aqueles que se celebran de maneira non periódica en razón a festas ou acontecementos populares.
- d) Venda ambulante en camións-tenda con carácter itinerante nos lugares e cos itinerarios que se autoricen polo Concello.

2. Segundo o artigo 2.4 do decreto 194/2001, de 26 de xullo, non terá consideración de venda ambulante:

- a) Actividades comerciais reguladas pola Lei 1/1996, de 5 de marzo, de actividades feirais

de Galicia e as súas normas de desenvolvemento.

- b) Venda directa exercida polos agricultores no seu termo municipal ou nos termos limítrofes, limitada á súa propia produción, estando sometido o control de dito extremo ás comprobacións oportunas do persoal municipal.
- c) Venda de obxectos artesanais realizados polos propios produtores, con motivo de festas, feiras ou acontecementos populares.
- d) Venda puramente ocasional de xornais, plantas e frores, así como de obxectos usados de pertenza particular do vendedor.

Tampouco teñen a consideración de venda ambulante a venda a distancia nin a venda automática mediante máquinas preparadas ó efecto.

Queda expresamente prohibida a venda ambulante no mercadillo de carnes, aves e cazas frescas, refrixeradas ou conxeladas, pescados e mariscos frescos, refrixerados e conxelados, leite certificada e leite pasteurizada, queixos frescos, e derivados lácteos, pastelería e bolería rechea ou guarnecida, pastas alimenticias frescas e recheas, anchoas, afumados e outras semiconservas, así como aqueles outros produtos que conleven risco sanitario polas súas especiais características a xuízo das autoridades competentes.

Non poderá concederse autorización para a venda de produtos cuia normativa reguladora así o prohiba, puidendo ademais, as autoridades sanitarias prohibir a venda de determinados produtos cando por motivos de saúde pública así o aconsenxen.

Non obstante, permitirase a venda dos produtos anteriormente citados cando a xuízo das autoridades sanitarias competentes se disponía das axeitadas instalacións frigoríficas e os produtos esten debidamente instalados.

Artigo 6. *Suxeitos da venda*

A venda ambulante poderá ser exercida por toda persoa física ou xurídica legalmente constituída que se adique profesionalmente á actividade de comercio polo miúdo e reúna os requisitos establecidos na presente ordenanza e demais normativa que fose de aplicación.

Artigo 7. *Requisitos para o exercicio da actividade de venda ambulante*

Para o exercicio da venda ambulante, as persoas deberán cumprilos seguintes requisitos (art. 10 do D.194/2001):

1. Ser persoa física (maior de 16 anos) ou persoa xurídica que se atope legalmente constituída.
2. Se o titular procede de países non comunitarios, deberá estar en posesión dos permisos de residencia e de traballo, ou, de proceder de países non comunitarios, da tarxeta de residencia.
3. Estar inscritos no Rexistro de Comerciantes Ambulantes de Galicia e posuir o carné que expende a Xunta de Galicia.
4. Atoparse de alta no epígrafe do IAE, na modalidade de venda ambulante.

5. Estar ó día no pagamento das súas obrigas coa Facenda Pública e coa Seguridade Social (autónomos), e coas obrigas municipais.

6. Cumprir todos os requisitos que establezan as regulamentos específicas aplicables ós produtos autorizados que teñan á venda.

7. Estar en posesión do carné sanitario de Manipulador de Alimentos, actualizado, cando proceda á venda de artigos alimenticios.

8. Estar en posesión da licenza municipal correspondente para este tipo de venda. Esta licenza sinalará o obxecto da venda e deberá manterse, para a súa exhibición, en lugar visible e permanente. A licenza municipal para o exercicio da venda ambulante, estará sometida á comprobación previa polo Concello do cumprimento polo peticionario dos requisitos legais en vigor polo exercicio do comercio, así como do establecido pola regulación do produto para o cal está autorizada a venda.

CAPÍTULO III. NORMAS DE FUNCIONAMENTO DO MERCADILLO

Artigo 8. *Emprazamento*

1. A venda ambulante só queda autorizada nos lugares e datas que se determinen por acordo da Xunta de Goberno Local, estando suxeita á preceptiva licenza municipal.

2. A zona destinada á actividade de venda ambulante, será o espacio que o interés municipal determine en cada momento.

3. O Concello poderá modifica-lo emprazamento do Mercadillo por causa de forza maior, de interese xeral ou municipal, unha vez oída a Comisión Paritaria e de acordo coa Comisión de Vendedores que respresente ós mesmos e que se creará especialmente para este suposto. En todo caso, o recinto deberá reunir as condicións hixiénicas e sanitarias axeitadas á actividade e de doado acceso para vendedores e compradores.

Artigo 9. *Periodicidade e horario*

Os días de mercado serán tódolos lunes e xoves do ano, que non poderán coincidir coas festividades. Autorizarase un único mercado extraordinario ó longo do ano a celebrarr o Xoves Santo. Non obstante, cando circunstancias de carácter excepcional así o aconsellen, o Concello poderá autorizar un mercado extraordinario máis, previa reunión da Comisión Paritaria ó efecto.

O horario establecido comprende aproximadamente dende ás 08:00 ás 14:30 horas, no que se procederá a súa retirada. O montaxe dos postos deberá efectuarse entre 08:00 e as 09:30 horas, quedando prohibida a entrada de calquera vehículo no recinto do mercado a partires desta hora, salvo días de temporal ou forza maior.

Cada quen limitaráse exclusivamente ó espacio que ten destinado. Será o Concello o que dispoña dos espazos temporalmente valeiros.

Artigo 10. Instalacións

1. Todo mercadillo terá unha dotación de infra-estrutura e equipamento que garanta o cumprimento das normas sobre sanidade, hixiene e respecto ó medio urbano e veciñal onde se instala e que, polo menos, cumprirá as seguintes esixencias:

- a) O mercadillo deberá instalarse sobre superficie pavimentada.
- b) Dentro da superficie o mercadillo existirán depósitos destinados á recollida de refugallos ocasionados pola actividade comercial.

2. As persoas autorizadas, ó final de cada xornada comercial, deberán deixar limpos de refugallos os respectivos espacios.

Artigo 11. Dos postos

1. A venda autorizaráse en postos de carácter desmontable ou instalacións que terán unhas condicións axeitadas ás características da licenza.

2. O posto instalaráse sobor o pintado na vía pública, co número correspondente, de xeito que se mantéña libre o eixe da rúa existente entre postos.

3. Os postos no chan terán un voo máximo de 3 metros ó longo da ocupación, que poderán ser ocupados por mecadurasías. Para protexerse das inclemencias metereolóxicas, poderá ampliarse o voo sen que moleste ós demais comerciantes, que non poderán ser ocupados con xénero algún. A altura dos voladizos será de un mínimo de 1,90 .

4. A mercadujría atoparase sempre dentro da superficie do posto, quedando terminantemente prohibido o acopio da mesma en envases ou embalaxes fóra do posto.

5. En todo caso, o vendedor extremará a limpeza na zona de venda.

6. Queda expresamente prohibido a exposición demercadurasías no chan, debendo estar en mesas para garantir unhas condicións mínimas de hixiene e sanidade, ou ben directamente nas cestas.

Artigo 12. Competencia

A organización, intervención e inspección do mercadillo, corresponde ó Alcalde ou Concelleiro responsable, sen perxuício das competencias correspondentes ó Administrador, ou Servizos Municipais de Sanidade, Policía e Tráfico.

Artigo 13. Da venda

Os vendedores ambulantes deberán cumprir no exercicio da súa actividade coa normativa vixente na materia de exercicio do comercio e da disciplina do mercado; deberán observar as normas de competencia leal e usos mercantís, e responderán de que os produtos obxecto de venda cumpran as condicións e requisitos esixidos pola normativa que os regula, tanto en materia sanitaria como no referente á súa presentación, etiquetaxe e demais que se establezan nelas.

Os produtos atoparanse debidamente etiquetados e marcados co prezo correspondente.

Art. 14. Dos produtos

1. Os postos que expendan artigos de peso ou medida, deberán dispoñer de cantos instrumentos sexan necesarios para pesar ou medir os produtos, debendo estar correctamente etiquetados e marcados co prezo correspondente. Os artigos de uso alimentario deberán situarse a unha distancia do chan non inferior a 60 cm.

2. Os artigos á venda deberán cumprilo establecido en materia de sanidade e hixiene.

3. A venda de produtos perecedeiros, adecuarase en todo momento ás condicións e esixencias hixiénico-sanitarias vixentes. En caso de infracción a tales leis ou normas, detectadas polos axentes sanitarios estableceranse as oportunas sancións pola administración competente.

4. A autoridade municipal poderá decomisar os que non cumprisen tales condicións e, baixo a consideración de falta moi grave, abrir o oportuno expediente sancionador ó responsable da venda. Nos supostos en que sexa previsible o decomiso dos produtos, poderase proceder á intervención cautelar dos mesmos.

Artigo 15. Obrigas dos vendedores

Son obrigas dos vendedores autorizados:

- a) Abona-lo prezo público que fixe a ordenanza reguladora por ocupación da vía pública.
- b) Manter aberto ó público o posto, debidamente atendido e abastecido.
- c) Acata-las normas que estableza o Concello para o bo funcionamento do mercado.
- d) Realizar ó final da xornada a limpeza dos espacios ocupados.
- e) En xeral, cumprir tódalas condicións establecidas nesta Ordenanza e demais disposicións legais vixentes que sexan de aplicación.
- f) Os postos desmontables deberán instalarse ocupando o posto asignado e sen sobrepasalos límites do espacio asignado, non poidendo situarse nos accesos a locais comerciais ou impedindo a vista dos seus escaparates e exposicións.
- g) Os vendedores ambulantes veñen obrigados a manter limpo e en debidas condicións o espacio que lle fora asignado, recollendo todolos refugallos e embalaxes, debidamente amarrados ou depositados nos colectores para facilitar a ulterior recollida de lixos,
- h) Queda prohibida a utilización de megafonía para anunciar a venda de produtos.

CAPÍTULO IV.
DAS LICENCIAS

Artigo 16. Licencia municipal

1. Para poder exercer-la venda ambulante neste Concello, será preciso posuír a correspondente licenza municipal, que será individual, persoal e intransferible. A actividade debe exercerse persoalmente polo seu titular, sen perxuício dos traballa-

dores dél dependentes que con arranxo á lexislación laboral vixente poidan contratar.

2. Concederáanse pola Xunta de Goberno Local, previa comprobación dos requisitos legalmente establecidos.

3. O Concello expedirá unhas licencias que conteñan a indicación precisa do lugar de situación no mercadillo do titular, así como os artigos e produtos autorizados e o nome e número da licencia municipal do vendedor titular.

4. Esta licencia deberá exhibirse obrigatoriamente e durante o tempo que dure o mercadillo, nun lugar ben visible do posto ou, no seu caso, estar sempre a disposición da autoridade competente que a poida solicitar.

5. A licencia terá unha validez por un ano, pudiendo ser obxecto de renovación previa solicitude do interesado por períodos sucesivos de anos naturais, previa presentación da documentación orixinal esixida polo Concello, e sempre que non exista denuncia da mesma por calquera das partes.

6. En caso de adjudicación dun posto a persoa xurídica, tal concesión consideraráse sen efecto ó cambio e administrador ou socio da mesma.

7. Os titulares de autorización para o exercicio da venda ambulante do Concello de Bueu deberán ter suscrito seguro de responsabilidade civil.

Artigo 17. Réxime de solicitude da licencia

1. A licencia para o exercicio da actividade, deberá ser solicitada polo interesado ou representante debidamente autorizado, en impreso normalizado que figura como Anexo I da presente Ordenanza, que se entregará no Concello, ónde necesariamente deberá constar:

- a) Nome e apelidos ou denominación social, domicilio e DNI/NIF do titular da autorización, pasaporte ou tarxeta de residencia para cidadáns comunitarios, ou permiso de residencia e traballo para os non comunitarios.
- b) Enderezo para os efectos de notificacións cando non coincida co seu domicilio habitual, ou domicilio social da sociedade.
- c) Modalidade de venda ambulante que se autoriza.
- d) Determinación dos artigos que poden ser obxecto de comercialización, especificando as condicións particulares de hixiene e seguridade especialmente necesarias para o caso.
- e) Determinación dos lugares e dimensións, así como os días, horario e frecuencia para os que se autoriza o exercicio da venda ambulante.
- f) Determinación do número de persoas habilitadas para a venda baixo a dependencia do titular da autorización.
- g) Referencia á obriga de coñecer e cumprir a normativa xeral de ordenación do comercio, a disciplina do mercado e a protección do consumidor.
- h) Condicións particulares ás que, no seu caso, quede suxeito o titular da autorización.
- i) Período de vixencia da autorización.

j) Número da tarxeta acreditativa da inscrición no Rexistro de Comerciantes Ambulantes de Galicia.

k) Número de metros liñais da ocupación.

2. Unha vez recibida comunicación favorable á solicitude de licencia, como trámite previo ó outorgamento da licencia, os solicitantes, co fin de obter ésta, deberán presentar, no prazo de 15 días hábiles, a seguinte documentación (presentaránse os documentos orixinais para a compulsa no Concello):

- a) Fotocopia da tarxeta acreditativa de inscrición no Rexistro de Comerciantes Ambulantes de Galicia, debidamente actualizada.
- b) Fotocopia do DNI/CIF e NIF. No caso de que o solicitante sexa estranxeiro, deberá acompañar fotocopia do pasaporte e do permiso de residencia e traballo ou da tarxeta de residencia en vigor, segundo se trate de estranxeiros de países non comunitarios ou comunitarios, respectivamente.
- c) Alta no epígrafe correspondente do Imposto de Actividades Económicas.
- d) Fotocopia do último recibo do Seguro Autónomo orixinal ou alta no mesmo.
- e) Se a licencia afecta á venda de produtos alimentarios, deberá achegar fotocopia do carné de manipulador de alimentos en vigor.
- f) Declaración xurada na que o solicitante manifieste coñecer as normas ás que debe axustarse a súa actividade, e o seu compromiso a observalas.
- g) Certificado de atoparse ó corrente de pago nas obrigas tributarias co Concello e da Seguridade Social, ou xustificante que acredite o apazamento do pago. Sen perxuízo do disposto na Lei 30/92, poderáse reclamar ó solicitante calquera información ou documentación adicional que se considere necesaria, co fin de verifica-los datos aportados polo interesado.
- h) Copias compulsadas dos contratos de traballo que acrediten a relación laboral das pesoa que vaian desenrolar a actividade no nome do titular, cando éste sexa persoa xurídica.
- i) Documentación acreditativa da constitución legal e inscrición no oportuno Rexistro Mercantil, para o suposto de que se trate dunha persoa xurídica.
- j) Copia compulsada da póliza de responsabilidade civil suscrita a efectos dos posibles danos e accidentes que se puideran derivar do exercicio da actividade.

Artigo 18. Contido da licencia

1. O Concello expedirá as licencias en documento normalizado, no que se fará constar:
 - * Identificación do titular e, de se-lo caso, da persoa autorizada que vaia desenvolver-la actividade en substitución do titular (fotografía carnet, domicilio, nome e apelidos e DNI ou CIF).
 - * Localización precisa do posto coa súa correspondente identificación numérica e superficie asignada.

- * Data da licenzia municipal e de caducidade.
- * Productos autorizados para a venda.
- * Epígrafe I.A.E.
- * Número outorgado ó titular no Rexistro Municipal de Comerciais Ambulantes.
- * Nas costas levará un resúmo das circunstancias máis importantes deste ordenamento, especialmente o capítulo de faltas e sancións.

A licenzia, orixinal ou copia, co carimbo do Concello, deberá ser exhibida polo comerciante durante o exercicio da actividade, colocada no posto en lugar perfectamente visible.

Artigo 19. Validez da licenzia

As licenzias serán personais e intransferibles, e terán unha duración dun ano natural, prorrogable, salvo renuncia expresa do titular.

A renovación da licenzia produciráse anualmente, de xeito automático, previo requerimento polo Concello da documentación necesaria, sempre que se presente a acreditación de estar ó día no pagamento das súas obrigas coa Seguridade Social e coa Facenda Pública, así como a acreditación de estar inscrito no Rexistro de Comerciantes Ambulantes de Galicia e a acreditación das demais circunstancias esixidas.

CAPÍTULO V. REXISTRO MUNICIPAL DE VENDEDORES AMBULANTES

Artigo 20. Rexistro Municipal de Vendedores Ambulantes

1. Créase o Rexistro Público Municipal de Vendedores Ambulantes, que será xestionado polo Concello, e a inscrición neste será consecuencia inmediata de concesión á licenzia municipal correspondente para o exercicio da actividade.

2. A inscrición dos titulares de licenzias municipais de venda ambulante vixente, ó tempo de posta en funcionamento deste servizo, farase de oficio pola autoridade municipal, sen que sexa precisa a solicitude formalizada por aqueles; nembargantes estarán obrigados a comunicar e acreditar os datos que se lles requiran para a efectiva inscrición no rexistro.

3. Realizada a inscrición, expediráselle ó comerciante inscrito un carné profesional de vendedor ambulante, cunha vixencia dun ano, renovable automaticamente.

4. O contido do carné profesional deberá ser:

- a) Identificación do titular.
- b) Período de vixencia
- c) Descrición literal do epígrafe fiscal no que figura dado de alta
- d) Número de rexistro e carimbo da dependencia municipal correspondente
- e) Fotografía do titular

5. No caso de non renovación do carné da Xunta ou de perda xustificada da licenzia, o vendedor terá a obriga de entrega-lo carné municipal.

6. Este carné será renovable ano a ano, de xeito automático; para elo o Concello estampará o seu carimbo no mesmo.

7. Neste rexistro tamén se incluírá un apartado referente ás solicitudes en lista de espera.

8. A concesión de licenzias farase por estricto orde de preferencia según a vecindade (Bueu, Morrado, Pontevedra, resto)

Outros criterios:

- a) Agrupación por zonas dos artigos de venda do mesmo ramo.
- b) Renda
- c) Antigüedad, etc.

CAPÍTULO VI. COMISIÓN PARITARIA PARA O COMERCIO AMBULANTE

Artigo 21. Creación

Créase a Comisión Paritaria para o comercio ambulante como órgano consultivo encargado do seguimento e control desta modalidade de exercicio do comercio, A tal efecto, deberá ser oída nos seguintes supostos:

- a) Na modificación das taxas municipais e calendarios que afecten á venda ambulante
- b) No establecemento do número máximo de postos a ubicar no mercadillo e as licenzias correspondentes.
- c) En todos aqueles casos que regulamentariamente se lle atribúan.

Artigo 22. Composición

A Comisión estará integrada por representantes do Concello, das Asociacións de Vendedores Ambulantes, Asociación de Comerciantes, e por representantes das Asociacións de Consumidores e Usuarios, de existir, e estará composta polo mesmo número de representantes por cada organización ou organismo.

Artigo 23. Funcionamento

As reunións da Comisión serán convocadas sempre polo Alcalde ou Concelleiro Delegado, previa comunicación por escrito ós membros da mesma cun mínimo de 48 horas de antelación. As Asociacións poderán solicitar do Alcalde a convocatoria de reunión, que deberá facerse efectiva nun prazo máximo de un mes.

CAPÍTULO VII. RÉXIME SANCIONADOR

Artigo 20. Infraccións e sancións

Constitúen infraccións as condutas tipificadas como tales neste artigo:

1. O incumprimento das normas establecidas na presente ordenanza, así como as determinadas na normativa de aplicación, dará lugar á incoación do correspondente procedemento sancionador, que poderá iniciarse de oficio ou por denuncia. As faltas clasificaranse como leves, graves ou moi graves.

